

Sämmiliih kirhoost -haahâ ovdán - pargo vyelni antologia sämmilij já kirho koskâvuodâst

Suomâ evangellâš-luuteerlii kirhoost lii joodoost kyehti ive pištee haahâ, mon kuhes äigikooskâ mittomeerrin lii purgid máhđulijd kelduid sämmilij já kirho kooskâst.

Sämmiliih kirhoost – Sä'mmla ceerkvest – Sápmlaččat girkus -haahâ lii sämmilij já kirho koskâsii tuotâvuotâ- já sovâdâttâmproosees uási já tom lii ornim Suomâ evangellâš-luuteerlii kirho pispijčuákkim.

Oovtâ ääigi havváin tuáimee staatâ já sämmilij koskâsâš tuotâvuotâ- já sovâdâttâmkomissio lii ornim ohtâsijd čuákkimijd čohčuv 2023 já algâive 2024. Taat ohtsâšpargo lii tehálâš uási vijđâsub viggâmušâst čielgâdiđ sämmiláid já kiirkon lahtojejee historjálidj tábâhtusâid sehe toi vaiguttâsâid onnáá piáiván.

Sämmiliih kirhoost -haavâ koskâraapoort lii kiergânâm já tot kiedâvuššui pispijčuákkimist majebaargâ 12.3.2024.

“Ive 2023 algâttum pargo lii ovdánâm vuávám miel já uázžum vijđâht torjuu sehe sämmilij päikkikuávlust já kaavpugpirrásijn. Haavâ čapo ohtsâšpargo pispekudijguin, servikudijguin já sierâ ornijduváiguin lii lamaš merhâšittee roolist ton luhostumeest”, muštâl koskâraapoort ráhtám proojeektkoordinaattori **Mari Valjakka**.

Maangâpiälásâš kirjálâš tyeji puátimin

Ohtâ haavâ tehálumosijn oosijn lii pyevtitiđ kirjálíi tyeje, antologia, mon toimâttâskodde algâttij pargoos čohčuv 2023. Antologia čuákkee oohân jieškote-uvlágán teevstâid, tegu artikkálijd, tiivtâid, novelliid já esseid. Ovtâstíttee tahhen lii sämmilij, vuoiñâlâšvuodâ já kirho tematiik.

Antologia viggâ faallâđ torvolub saje kiedâvuššâđ sämmilij já kirho koskâsii koskâvuodâ sehe lasettiđ ädejjume sämmilâšvuodâst nuvt páihálávt servikuudijn ko vijđâsubboht oles kirhoost. Antologia ruttâd Kirkkohaldâttâs.

Siälutipšom keččâmkuávlú já pastoraallii porgâmvyevi peht Sämmiliih kirhoost -haahâ iššeed kiedâvuššâđ noođijd, maid sämmiliih kyeddih paijeel suhâpuolvâid nuvt aalmugin ko ohtâgâssân.

“haavâ mittomeerrin lii čielgâdiđ tärkkilubboht, mii sämmilij já kirho koskâsijn koskâvuodâin lii tábâhtum sehe magareh vaiguttâsah já čuávumušah tain tábâhtusâin láá lamaš já ain láá sämmiláid. Antologia lii ohtâ vyehi toohâđ taam tiäđu uáinulâžžân”, Mari Valjakka muštâl.

Konkreetliih tooimah tarbâšuvvojeh

Veikâ Sämmiliih kirhoost -haahâ lii uázžum kirhoost uáinulâšvuodâ já positivlii huámásume sierâ sektorijn, Mari Valjakka miel pargo lii iäskán aalgâst.

“Pargo lii ain ennuv porgâmnáál, vâi savâstállâm haavâ teemai pirrá jienâlmičij oles kirho tääsist. Puátteevuodâst lii tehálâš hammiittállâđ jotkâlaavhijd, moh oinuuččii konkreetlávt sehe oles kirho já kuávlulij servikuudij tääsist,” Valjakka iätá.

[Sämmiliih kirhoost –hahâvuávám](#) (suomâkielân)

[Koskâraapoort](#) (suomâkielân)

Lasetiäđuh:

proojeektkoordinaattori Mari Valjakka, Pispijčuákkim kanslia mari.valjakka@evl.fi 40 183 3460

pispijčuákkim kanslia váldučällee Kari Kopperi, Pispijčuákkim kanslia kari.kopperi@evl.fi, p.